

tibus magnis similibus aucta vel superiora omnino auriculis destituta. Phylla involueri nostrae speciei videntur pauciora praesertim externa perpaqua et brevia. *C. Djimilensis* C. K. e Ponto Lazico potest nimis affinis esse, sed non habeo hujus specimina, quae comparem.

Crepis balcanica sp. n.

Perennis, radice fusiformi verticali, *caule foliisque aspero-hirtis omnino eglandulosis*, foliis radicalibus rosulatis oblongo-linearibus acutis acute runcinato-dentatis basi modice attenuatis sessilibus, caule erecto anguloso omnino aphylo vel foliis 1—2nis valde diminutis linear-lanceolatis acuminatis subintegris *basi sagittata sessilibus* ob-sito superne in ramos 2—3nos arcuato-strictos tenues longos monocephalos bracteis linearibus fulcratos diviso, pedunculis *apice non in-crassatis* aphyllis, capitulis subminoribus, involueri phyllis linear-oblongis subobtusis integris *praeter tomentum album parcum setis pilisque longis nigris eglandulosis dense obsitis*, externis paucis multo brevioribus, acheniis apice attenuatis pallidis laevibus, pappo albo involucrum vix excedenti. Floret augusto.

Caulis 15—24 cm, folia radicalia 6—7 cm \times 6—10 mm, involucrum 1 cm \times 8 mm.

In pratis alpinis m. Vitoša legi a. 1889.

Similis *C. grandiflorae* Tsch., sed indumento, statura graciliore, foliis, capitulis minoribus ab ea diversa.

Campanula velutina sp. n.

Perennis, caule e collo crasso squamoso ascendent-erecto solitario folioso crasso a basi pyramidatim ramoso ramisque molliter longe cano-tomentoso, ramis simplicibus tenuibus flexuosis horizontalibus vel deflexis foliosis 1—3 floris, foliis pube mollissima densissima supra sericeo-velutina subtus magis cana vestitis, rosularibus longe petiolatis e basi profunde reniformi oblongo-ovatis obtusis inaequaliter crenatis, caulinis longe petiolatis cordato-ovatis breviter acutis crenatis, summis et rameis diminutis ovatis vel lanceolatis acutis in petiolum late alatum abruptim attenuatis, floribus magnis, calycis molliter et dense cano-tomentosi laciinis sagittatis lobo medio integro late lanceolato tenuiter acuminato tubo calycino 3plo longiore, lobis lateralibns appendicem longam acutam formantibus, corollae pallide luteae ad nervos et margines hirtellae laciinis tubo longe campanulato 2plo brevioribus. Floret augusto.